

Kuzé ki é Ditirminantis Sosial y Strutural* di Saúdi (SDOH)?

Ditirminantis sosial y strutural di saúdi é fatoris ki ka é médiku ki ta afeta situasão di saúdi y vida di algen na kumunidade. Kes fator ta influensia razultadu di saúdi y difinitivamente disparidadis na dumíniu di saúdi.

Ditirminantis sosial y strutural di saúdi é kondisão na anbienti undi algen ta nase, vive, prende, trabadja, brinka, ba greja, bedja ki ta afeta txeu razultadus y risku di saúdi, funsionamentu y kualidade di vida.



*Fonti: Crear-Perry, J., Correa-de-Araujo, R., Lewis Johnson, T., McLemore, M. R., Neilson, E., & Wallace, M. (2021). Social and Structural Determinants of Health Inequities in Maternal Health. *Journal of Women's Health*, 30(2), 230-235.



Stabilidade Ikunómiku

Stabilidade Ikunómiku: É poder di kónpra móda ropa, kumida y kaza ki ta promove un vida saudável. Algen ki ta trabadja ten menus xansi di vive na pobréza y más xansi di ser saudável. Txeu algen ten probléma na enkontra y mante un trabadju o es pode ten un trabadju má es ka ta ganha sufisienti pa pode konpra kuzas pa mante saudável.



Asésu & Kualidadi na Idukasão

Asésu y Kualidadi na Idukasão: Kapasidadi di obte un kualidadi di idukasão altu sta diretamenti ligadu ku fatoris di altu risku di konportamentu y vísiu. Piskiza ta mostra ki Prubléma di Djogu batóta ta afeta más algen ki ten diplóma di liseu o menus. Baxu nível di skolaridadi ta asociadu ku oméntu di probabilidadi di uzu di dróga y konportamentus di vísiu.



Asésu & Kualidadi na Kuidadus diSaúde

Asésu y Kualidadi na Kuidadus di Saúde: Kapasidiadi di ten y pode paga pa sirvisus di saúde di bon kualidadi. Algen ki ka ten suguru di saúde txeu bes ka ta ten un dotor di família, es ta falta izamis di saúde o es ta vive mutu lonji di lugares ki ten sirvisus baratu. Próva ta mostra ki kuantu más saudável un algen sta diretamenti ralasionadu ku asésu y kualidadi di kuidadus di saúde.



Zóna & Ambiente Konstruídu

Zóna y Ambiente Konstruídu: Zónas undi gentis ta vive sta ligadu ku ses razultadu di saúde y ben-star. Pode vive na suguransa, asésu di água dósi, mora na suguransa sen violénsia é alguns fator ki ta afeta saúde. Dizigualdadis na saúde é razultadu dirétu di es ambiente konstruídu.



Kontestu Sosial & Kumunitáriu

Kontestu Sosial y Kumunitáriu: Ralasionamentus a nível individual y kumunitáriu ku família, amigos, kolégas di trabadju y menbrus di kumunidade ten un inpaktu na saúde y ben-star individual. Algen ta meste apoiu sosial na lugares undi es ta vive, trabadja, brinka, ba greja y na tudu fazis di vida.

KEL SDOH Y INPAKTUS NA PRUBLÉMA DI DJOGU BATÓTA

Kes ditirminantis sosial di saúdi ten un papel inportanti na kondusáu di fatoris di risku y protesáu y na kes pupulasáu más afetadu ku probléma di djogu batóta y na djogu pa algen di minor idadi.

Pupulasáu Más Afetadu pa Probléma di Djogu Batóta y kel SDOH:

- Pessoa ku diploma di liseu o menos: **Dumíniu SDOH di Asésu y Kualidadi na Idukasáu**
- Pessoa ku vensimentu anual di < \$15,000 y pessoa dizenpregádu: **Dumíniu SDOH di Stabilitadi Ikunómiku**
- Pessoa ki ta uza substansia ki es ka devía uzaba: **Dumíniu SDOH di Asésu y Kualidadi na Kuidadus di Saúdi**
- Pessoa ki ten un transtornu di saúdi mental: **Dumíniu SDOH di Asésu y Kualidadi na Kuidadus di Saúdi**


FATORIS DI RISKU

- Pais ta Djuga Batóta: **Dumíniu di Kontestu Sosial y Kumunitáriu**
- Problémas Finanseru: **Dumíniu SDOH di Stabilitadi Ikunómiku**
- Publisidadi/Asésu: **Bairru y Ambienti Konstruídu**

FATORIS DI PRUTESÁU

- Ligasáu di Família: **Dumíniu di Kontestu Sosial y Kumunitáriu**
- Ligasáu Sosial Saudável: **Dumíniu di Kontestu Sosial y Kumunitáriu**
- Kunhesimentu y Asésu di Apoius: **Dumíniu di Asésu y Kualidadi na Kuidadus di Saúdi**

Mó ki Massachusetts sta ta Kumunika kes SDOH Através di Abordajens Preventivu



Fonti: Séntru di Kontrolu y Privensáu di Duénsa, Portal di Prufisional di Saúdi Públiku, Ditirminantis Sosial di Saúdi

Prujétu Enbaixador: Un stratégia ki ta trena ómis pretu ki ten un storial di uzu di dróga pa lidera konvérsa sobri ligasáu entri probléma di djogu batóta y uzu di dróga.

Prujétu di Ben-star Kumunitáriu: Un inisiativa ki ta trena prufisional di saúdi na kumunidadadi pa iduka zónas lukal sobri riskus di djogu batóta y sirvisus di apoiu dispunível.

Fotu-vós jóven: Un stratégia fokadu na konta stória y na fotografia di jóvens ta aborda probléma di djogu batóta entri minoris di idadi, fokadu na priukupasáu di kumunidadadi y ta inspira asáu.

Prujétu RISE (Imigrantis Rizilienti ta Buska Ikuidadi): Da fórsa pa kumunidadadi imigranti pa apoia ben-star imusional y kria un sentimentu di pertensa y união.

Prujétu di Kapasitasáu di AAPI: Ta faze sforsu kontinu y permanenti di divulgásu, oportunidadi di prende ku kunpanheru, treinus, workshops y atividadis alternativu, di rekreiu y kultural (móda tai chi, badminton, pingi-pongi)